

Peskiza Nasionál Prevalensia Tuberkuloze: Apresentasaun Rezultadu Preliminár

Tuberkuloze (TB) hanesan preokupasaun boot ida ba saúde publika iha Timor-Leste. Dadus husi 2022 hatudu katak Timor-Leste iha númeru TB ne'ebé aas liu iha mundu. Maibé, ida-ne'e la bele representa todan loloos husi moras ne'e nian, tanba kazu barak mak seidauk hetan diagnóstiku.

Atu komprende di'ak liu tan moras ne'e nia todan, Menzies School of Health Research (Menzies) iha kolaborasaun ho Ministeriu Saúde Timor-Leste no parseiru prinsipal sira seluk, lansa ona Peskiza Nasionál Prevalensia Tuberkuloze. Inisiativa ida-ne'e envolve ho comunidade oin-oin husi nasaun laran no fornese raiu-x ba hirus matan no screening sintoma hirak ne'e ba iha partisipante sira ne'ebé elijivel.

Iha tersa-feira 27 Agostu 2024, parte interesada liu 100 mak partisipa ona iha apresentasaun rezultadu preliminar husi levantamentu ne'e. Ida ne'e inklui representante sira husi:

- Servisu saúde nasional no municipal
- Laboratoriu Nasioál TB Referral
- ajénsia naun-govermental no
- Departamentu Negosius Estranjeirus no Komersiu Governu Australia (DFAT).

Eventu ida-ne'e hatudu katak totál partisipante hamutuk 15,258 ho idade tinan 15 ka liu, iha uma-kain 5548 iha munisípiu hotu-hotu iha Timor-Leste. Servisu hamutuk ho servisu saúde, paciente TB pozitivu hotu-hotu refere ona ba simu tratamentu.

Rezultadu sira husi levantamentu ne'e hein atu informa estratéjia sira ba kontrolu TB hodi ajuda hapara TB iha Timor-Leste. Bainhira rezultadu sira-ne'e finaliza ona, sei fahe mós rezultadu sira-ne'e ba partisipante sira no sira-nia comunidade.

Obrigadu ba Dr. Florindo Pinto Gonzaga, Diretor ba Moras Laos Komunikavel (NCD), ne'ebé fó ona diskursu abertura, no simu ona doasaun hanesan mákina raiu-x portavel rua ne'ebé bele deteta TB uza intelligentsia artifisial. Mákina hirak-ne'e sei apoiu esforsu rutina hodi halo screening TB iha Programa Nasional TB.

Señor Contentino Lopes, Jerente Programa ba Investigador Prinsipal TB no NTPS; no Senora Josepfina Clarisia Joao, Jerente Program aba NCD iha Maluk Timor no Chefe Teknikal Working Group ba NTPS;

Iha ninia apresentasaun, Señor Constantino Lopes hatete: "Hau orgulhu tebes tanba Timor-Leste konsege hala'o ami-nia levantamentu... Tinan ruanulu liu bá, ami koko atu halo levantamentu maibé falla; [Loron ohin nia alkansamentu] mak buat ida-ne'ebé hanesan Timoroan ami sente orgulhu tebes, tanba ne'e liuhusi oportunidade ida-ne'e ha'u hakarak expressa ha'u-nia agradesimentu espesial ba Governu Australia ba apoiu hotu-hotu hodi halo levantamentu ne'e akontese iha Timor-Leste."

Hamutuk ho Dr. Chris Lowbridge, Menzies Research Fellow no Ko-Principiu Investigador NTPS, sira mós fasilita diskusaun iha eventu ne'e kona-ba metodolojia no rezultadu sira. Eventu ne'e marka ona konkluziun husi Programa MATCH-TL no hahú programa RESPOND. Programa rua ne'e hanesan programa kolaborativu servisu nian ho objetivu atu hametin saúde iha Timor-Leste, ne'ebé suporta ona husi DFAT.